



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Historia Et Vindiciae B. Richezae Comitissae Palatinae Rheni Reginae Poloniarum**

**Gelenius, Aegidius**

**Coloniae Agrippinae, 1649**

Epithaphia

**urn:nbn:de:hbz:466:1-9541**

Tertium in eadem Basilica monumentum reperi Sanctæ nostræ statutum esse in fenestris Chori, ubi inter duos Collegij illius tutelares, nimirum inter SS. Annonem & Agilolphum Coloniensium Archiepiscopos, media collocatur Richeza, cum hac inscriptione:

## S A N C T A R I C H E Z A.

Similia inuenire licet in aliis quoque templis, atque imprimis Bravvilerensi & Clottenfi ad Mosellam, aliisque in locis, ad quæ olim B. Richeza sua bona agcessit.

Quod autem in Clottenfibus picturis tres enses sub pedibus B. Richezæ exprimantur, sit ad significandum gladij vsum in tribus territoriis ab ipsa concessum.

F I N I S.

Ne, beneuole Lector, sequentes pagellæ vacent, subijcio quædam ex Archiuus Epitaphia.

## E P I T A P H I V M

B Ezzonis Palatini Comitis ex archiuo Bruuilerensi.

*Nomen Erenfridi tribuat super æthera scribi,*

*Nomine pro cuius, structa stat ista domus.*

*Ad quod eum factum coniunx carissima tractum*

*Flexit, & hac obiit, liquit & hic subit,*

*Cuius secundi dederint cum pignora lumbi,*

*Subtraxit natis, quod daret hic Monachis.*

*Quem sub bis senis Gemini misere Kalendis,*

*Qua fouet ille domo, qui Deus est & homo.*

21. Maij.

## Notatio.

**C**Um B. Erenfridus obierit die 20. Iunij in Salefeld, dies 21. Maij, quem Epitaphium insinuat, erit translationis in Bravviler. Vel Vice Versa.

## E P I T A P H I V M

B. Mathildis Comitissæ Palatinæ ex archiuo Bruuilerensi.

*Otto Auus, Otto Pater, fuerant huic Ottoq. frater,*

*Sub queis Roma potens subdidit omne nocens,*

*Hæc huius læti structrix Dux femina facti*

*Machtlich nobilius suscipit inde genus*

*Arcitonens ipsam quarto sub lumine fixam*

*Transtulit ad vitam lucis in arce sitam,*

*Cui quod debemus, quia non implere valentus,*

*Tu ser solamen, Christe Redemptor, Amen.*

E L O.



**ELOGIVM B. CASIMIRI**  
 Ex Comite Palatino & Monacho Regis Poloniae, sumptum ex Meno-  
 logio Benedictino Menardi.

**P**osnania transitus B. Casimiri, huius nominis primi, Poloniae Regis, qui ex Mona-  
 cho Cluniacensi, permittente summo Pontifice, ad Regiam dignitate subleuatus est.  
 Fuit filius Miecislai Regis Poloniae & Rixae. De solio deturbatus, Parisios venit, studio-  
 rum gratia; deinde in Italiam, ubi aliquot annos moratus, Cluniacum se recepit,  
 & a S. Odone humaniter receptus, se Religionis sacramento obstrinxit, ibiq; a Polo-  
 niae Legatis repertus, Benedicti IX. vel Clementis II. auctoritate, cuculla posita,  
 Regnum paternum recuperavit.]

**E P I T A P H I V M**

Ottonis Ducis Sueuorum, Fratris B. RICHEZAE,  
 ex archiuo Bruuilerensi.

*Virgineum sidus dum septem terminat Idus,  
 Admonet, huc veniens ut legat ista gemens.  
 Heu ruit Ottonum flos Regum Magnificorum,  
 Imperiale quibus cessit in orbe decus,  
 Flos hic eorundem tulit Otto nomine nomen,  
 Cui Mathild Mater, cui fuit Ezzo Pater.  
 Dux qui Sueuorum moriens fit plandus eorum,  
 Sed de morte Deus, hunc reparat melius.*

In Necrologio Essendienti notatur ad diem 7. Septembris obiisse  
 Otto Dux, & Essendienti Collegio donasse curtem in Becke.

**VIATOR AD B. RICHEZAE APVD DIVITEM**  
 Romanorum Coloniam Tumulum.

**Q**uis iacet in tumulo? (tumulum quia cerno) Richeza,  
 Diuite sub terra, Diua Richeza iacet.  
 Quis Diuam clausit tumulo? Clausere Coloni,  
 Vrbe in Agrippina Diua sepulta iacet.  
 In Miecislauum regno exturbantem B. Richezam.

**I**tala diuitias signat gens voce Richezam,  
 Diuitias Regno, Rex malefane, fugas?  
 De materia Authoris.

**M**ateria bonitate sua dignoscitur Auctor.  
 Diuite materia ditior Auctor erit.

Honoris in Beatam & Obseruantiae in Patrium ergo iusserunt  
 Henricus Gelenius I. V. Candidatus, Canonicus S. Seuerini,  
 & Ioannes Gelenius germani fratres, atq; Authoris Nepotes.